

BULETIN

BIL 142 (03/2018) / JUL-SEP 2018

MIMBAR

WARTA KEGIATAN LEMBAGA AMANAH KEBAJIKAN MASJID NEGERI SARAWAK

PERCUMA

**2000 JEMAAH HADIR TUNAIKAN
SEMBAHYANG HAJAT
PEPERIKSAAN AWAM 2018**





SIDANG REDAKSI

PENAUNG

Yang Berbahagia Tan Sri Datuk Amar Haji Bujang bin Mohd Nor Setiausaha Kehormat Lembaga Amanah Kebajikan Masjid Negeri Sarawak

PENASIHAT

Tuan Haji Mohamad Sabry bin Haji Othman Pengurus Besar Lembaga Amanah Kebajikan Masjid Negeri Sarawak

EDITOR

Megawati binti Haji Julaihi Ketua, Sektor Pentadbiran dan Pengurusan

Nona Zaharia binti Fadzil Ketua, Sektor Korporat dan Kewangan

PENGARANG

Noratini binti Sebri Ketua, Bahagian Pengurusan Sumber Manusia

Haryati binti Mohamad Ketua, Bahagian Penyelidikan dan Pembangunan

Haji Poniman bin Margiman Ketua, Bahagian Keselamatan

PENOLONG PANEL EDITOR

Rahimah binti Ariffin, Guru MATTARY Misiah binti Wajhi, Guru MATTARY Azlyn binti Abdul Rahman, Guru MATTARY Nurul Iksan binti Bohari, Guru MATTARY

Wacana Pengarang

Dengan nama Allah Yang Maha Pemurah Lagi Maha Penyayang, syukur atas segala limpah kurniaan Nya kepada kita. Selawat dan salam buat Baginda Rasulullah S.A.W., kepada ahli keluarga Baginda, para sahabat Baginda.

Assalamualaikum warahmatullahi wabarakatuh

Assalamualaikum warahmatullahi wabarakatuh.

Alhamdulillah, bersyukur ke hadrat Allah S.W.T, kerana dengan izin-Nya kita dipertemukan sekali lagi dalam keluaran Buletin Mimbar Edisi 142.

Merdeka! Merdeka! Merdeka!

Pada tahun 2018 ini genaplah rakyat Malaysia menyambut Hari Kebangsaan yang ke-61 pada 31 Ogos 2018 dan disusuli sambutan Hari Malaysia pada 16 September 2018.

Hadirin yang dirahmati Allah S.W.T. sekalian,

Sebagai seorang yang patuh kepada ajaran Islam, kemerdekaan bukan sahaja ditonjolkan melalui perbuatan, malah penghayatannya perlu dari jiwa seseorang yang berlandaskan syariat Allah S.W.T. dan Sunnah Rasulullah S.A.W.

Ini bertepatan dengan firman Allah S.W.T. dalam surah al-Zaariyat ayat 56 yang bermaksud:

“Tidak aku jadikan jin dan manusia melainkan untuk menyembah Aku,”

Islam dilihat sebagai agama pembebasan dan kemerdekaan iaitu seseorang bebas merdeka apabila mengisyiharkan pengabdian hakiki kepada Allah S.W.T. yakni merdekanya manusia itu daripada syirik kepada hanya mengesakan Allah S.W.T. serta merdekanya manusia daripada hawa nafsu kepada pengabdian hanya untuk-Nya.

Oleh yang demikian, pengarang ingin mengajak para pembaca yang budiman sekalian untuk memahami erti kemerdekaan yang sebenar bukan sahaja pada sambutan hari kemerdekaan atau Hari Malaysia sahaja, malah kemerdekaan dalam bulan-bulan Islam.

Akhir kalam, pengarang turut mengambil kesempatan mengucapkan selamat menyambut Hari Raya Aidiladha 1439H dan Salam Maal Hijrah 1440H buat pembaca yang disayangi.

Sekian, wassalam.

BULETIN MIMBAR EDISI 142 (JUL-SEP 2018)

> KANDUNGAN



06



08



07

- | | |
|----|---|
| 14 | Berita Bergambar |
| 16 | Seruan Mimbar |
| 18 | Sambutan Hari Merdeka TATTARY |
| 19 | Kursus Pemerksaan Tulisan Khat |
| 20 | Program Motivasi Tahun 6 |
| 21 | Minggu Teknologi dan Bahasa MATTARY 2018 |
| 21 | Lawatan Sambil Belajar TATTARY |
| 22 | Ucapan Khas Buat Murid Tahun 6 MATTARY |
| 23 | Sudut Hafiz Cilik |
| 23 | Kursus Pra Perkahwinan |
| 24 | Profil Warga LAKMNS |

- | | |
|----|--|
| 4 | DARI HULU KE MUARA
Masjid Al-Kautsar, Gedong, Simunjan |
| 5 | Imarah Masjid & Surau |
| 6 | Sembahyang Sunat Aidiladha 2018 |
| 7 | Ceramah Agama Sempena Sambutan Maal Hijrah 1440H |
| 8 | Sembahyang Hajat Peperiksaan Awam 2018 |
| 9 | Enhancing Integrity At A Workplace (Part 1) |
| 10 | Kepentingan Memilik Kad Perubatan Takaful |
| 11 | Sesi Temuduga Polis Bantuan Wanita LAKMNS |
| 12 | Pengisian Masa Yang Bermanfaat |
| 13 | Kursus Guru-Guru MATTARY & TATTARY |

HULU KE MUARA

BAHAGIAN MASJID-MASJID



MASJID DARUL AL-KAWSTAR SEKITAR ERA 60-AN

Pada sekitar tahun 60-an, masjid asal atau yang pertama telah dibina di atas tanah wakaf milik penduduk kampung secara bergotong-royong.

Kemudian pada tahun 1998 pula, masjid kedua mula dibina iaitu Masjid Darul Kurnia (Gred IV) sebelum ditukar nama kepada Masjid Al-Kawtsar dan telah siap pada tahun 2000 dengan kos pembinaan sebanyak RM 6.2 juta di atas tapak seluas satu ekar yang juga telah diwakafkan oleh penduduk kampung berkenaan. Perasmian masjid ini telah dilaksanakan oleh Tuan Yang Terutama Yang di-Pertua Negeri Sarawak, Tun Pehin Sri Haji Abdul Taib Mahmud yang merupakan mantan Ketua Menteri Sarawak ketika itu, merasmikan Majlis Ramah Tamah Aidilfitri pada tahun 2008M bersamaan 1429H di perkarangan Masjid Darul Al-Kawstar.



Masjid ini mampu menampung sejumlah 800 orang jemaah di ruang dalam dan boleh mencapai 1000 orang jemaah dalam satu-satu masa. Masjid Al-Kawtsar turut dilengkapi dengan pelbagai kemudahan termasuk bilik tamu, tandas, ruang solat yang luas, tempat wuduk serta kawasan letak kenderaan.

Masjid ini ditadbir oleh Lembaga Amanah Khairat Masjid (LAKIM) yang mana ahlinya terdiri daripada penduduk kampung berkenaan yang juga merupakan jawatankuasa yang telah dipilih dari sembilan (9) buah surau bagi Kampung Gedong, Simunjan.

Sepanjang tahun 2003 hingga kini, jawatankuasa pengurusan masjid telah mengadakan pelbagai program seperti Kursus Takaful, Kem Solat Bestari dan Smart Solat, Kelas Bimbingan Guru Takmir, Pertandingan Kebersihan dan Keceriaan Kampung serta Anugerah Tokoh serta Perarakan Maulidur Rasul selain ceramah berkala diadakan.

MASJID AL-KAWTSAR, GEDONG, SIMUNJAN



Tuan Yang Terutama Yang di-Pertua Negeri Sarawak, Tun Pehin Sri Haji Abdul Taib Mahmud yang merupakan mantan Ketua Menteri Sarawak ketika itu, merasmikan Majlis Ramah Tamah Aidilfitri pada tahun 2008M bersamaan 1429H di perkarangan Masjid Darul Al-Kawstar.

Imarah MASJID & SURAU

BAHAGIAN MASJID-MASJID

Program Lawatan Silaturrahim, Penyebaran Maklumat dan Pengimaranan Masjid dan Surau meneruskan aktiviti mingguan Unit Penyelaras Kegiatan, Bahagian Masjid – Masjid, Lembaga Amanah Kebajikan Masjid Negeri Sarawak (LAKMNS) untuk berkunjung ke lokasi-lokasi Masjid dan Surau Bahagian Kuching, Kota Samarahan dan Serian.

Program ini diadakan bertujuan untuk menjalin ikatan ukhuwah dan kerjasama bersama Institusi Masjid dan Surau luar yang memerlukan maklumat mengenai aktiviti serta peranan LAKMNS.

Sehubungan itu, program yang dimulakan sejak tahun 2000 ini telah mendapat sambutan yang amat baik oleh Jawatankuasa Qariah Masjid dan Surau luar yang dizerahi oleh pihak LAKMNS.

Lawatan diketuai oleh Yang Berbahagia Dato Haji Nahrawi bin Haji Abdul Rahman, Pegawai Perhubungan, LAKMNS serta beberapa orang Pegawai dan kakitangan Bahagian Masjid-masjid, LAKMNS.

Tema tazkirah agama yang disampaikan ialah Pengimaranan Masjid Menyatukan Masyarakat Islam.

Sesi penyampaian cenderamata kepada Jawatankuasa Masjid serta sesi bergambar mengakhiri pengisian program sebelum sembahyang Isyak berjemaah dilakukan.

Bagi pihak LAKMNS khususnya Bahagian Masjid-masjid berharap program seumpama ini mampu mencapai objektif dan memberi impak positif bukan sahaja kepada surau dan masjid yang dikunjungi, malahan kepada diri sendiri.



Pengisian Program dimulakan dengan sembahyang Maghrib berjemaah dan diteruskan dengan ucapan alu-aluan oleh Pengurus Masjid atau Surau. Selepas itu, taklimat penyebaran maklumat berkenaan fungsi, program dan aktiviti LAKMNS telah disampaikan oleh Ustaz Zaimi bin Sakawi, Pegawai Bahagian Pentadbiran dan Pengurusan, LAKMNS dan Ustaz Abdul Rahman Iqbal bin Aldi, Pegawai Unit Penyelaras Kegiatan.

Beberapa siri Program Lawatan Silaturrahim, Penyebaran Maklumat dan Pengimaranan Masjid dan Surau sepanjang bulan Julai hingga September 2018 adalah seperti berikut:-

1. Masjid Darul Naim (Lama) Kampung Baru, Kota Samarahan
2. Masjid An Nur, Kampung Stunggang Melayu, Lundu
3. Masjid Darul Salam, Kampung Tambay, Kota Samarahan
4. Surau Nur Addin, Matang Batu 10, Kuching
5. Surau Darul Iman, Kampung Simunin, Lundu
6. Masjid Darul Muslimin, Kampung Salak, Kuching
7. Surau Darul Taa'ibiin, Kampung Lalang Mayak, Gedong
8. Surau Darul Falah, Kampung Sinaran Jaya, Samarahan
9. Surau Darul Salam, Kampung Baru, Kota Samarahan



Ceramah Agama Sambutan Maal Hijrah 1440H



Lembaga Amanah Kebajikan Masjid Negeri Sarawak (LAKMNS) melalui Bahagian Masjid-masjid telah mengadakan Program Ceramah Agama Sempena Sambutan Maal Hijrah 1440H di Masjid Jamek Negeri Sarawak dan Masjid Bandaraya Kuching pada 10 September 2018 yang lalu.

Program ini dimulai dengan membaca doa akhir tahun, sembahyang Maghrib berjemaah dan bacaan doa awal tahun yang dipimpin oleh al-Fadhil Ustaz Haji Muhd Ihsan bin Haji Haidzir, Timbalan Imam Besar Negeri Sarawak.

Selepas itu, majlis diteruskan dengan ceramah agama yang telah disampaikan oleh penceramah jemputan Yang Berbahagia Profesor Madya Dr Abdul Halim bin Busari, Pengarah Pusat Islam, Universiti Malaysia Sarawak (UNIMAS).

Antara intipati ceramah yang telah disampaikan oleh beliau ialah falsafah yang terkandung dalam peristiwa hijrah yang perlu direnungkan dan difikirkan bersama kerana peristiwa hijrah ini membawa satu pengajaran yang penting kepada setiap individu untuk mencapai keadaan yang lebih baik dan sempurna, seseorang itu memerlukan satu pengorbanan. Sehubungan itu, melalui peristiwa hijrah juga ia mengajar umat Islam untuk sentiasa melakukan hijrah diri, jiwa dan minda dari semasa ke semasa untuk sentiasa berada dalam keadaan yang baik.



Majlis Sembahyang Sunat Hari Raya Aidiladha telah diadakan pada 22 Ogos 2018 bersamaan dengan 10 Zulhijjah 1439H bertempat di Masjid Jamek Negeri Sarawak dan Masjid Bandaraya Kuching.

Pada 22 Ogos 2018 telah diadakan Majlis Sembahyang Sunat Aidiladha di Masjid Jamek Negeri Sarawak yang dipimpin oleh Yang Berbahagia Sahibul Fadhlil Datu Haji Mustapha Kamal bin Ahmad Fauzi, Imam Besar Negeri Sarawak. Manakala, khutbah khas sempena Hari Raya Aidiladha pula telah disampaikan oleh Yang Berbahagia Sahibus Samahah Datu Haji Kipli bin Haji Yasin, Mufti Negeri Sarawak.

Antara intipati khutbah ialah kepentingan umat Islam untuk mengambil iktibar dari peristiwa agung di antara Nabi Ibrahim A.S. dan Nabi Ismail A.S. iaitu pengorbanan baginda merupakan satu manifestasi dari keimanan dan ketaqwaan yang tidak berbelah bahagi kepada Allah S.W.T. yang patut dicontohi oleh setiap umat Islam di segenap pelusuk dunia khususnya di Sarawak ini.

Selain itu, khatib juga berpesan dan menasihati para jemaah supaya sentiasa meletakkan syariat Islam sebagai panduan asas setiap tindakan dalam kehidupan seharian, lebih-lebih lagi di era globalisasi yang mencabar ini agar setiap perkara yang dilakukan itu mendapat keredhaan daripada Allah S.W.T.



2000 JEMAAH HADIR UNTUK TUNAIKAN SEMBAHYANG HAJAT PEPERIKSAAN AWAM 2018

Lembaga Amanah Kebajikan Masjid Negeri Sarawak (LAKMNS) telah menganjurkan Majlis Sembahyang Hajat Peperiksaan Awam Tahun 2018 pada 6 September 2018 yang bertempat di Masjid Jamek Negeri Sarawak.

Objektif majlis ini diadakan adalah bertujuan untuk melahirkan pelajar yang cemerlang di dunia dan akhirat serta memupuk kesedaran di dalam diri pelajar itu khasnya yang akan menduduki peperiksaan awam seperti UPSR, PT3, SPM serta STPM.



Antara pengisian majlis tersebut adalah sembahyang Maghrib berjemaah, bacaan Yaasin, bacaan selawat dan zikir penenang hati, sembahyang Isyak berjemaah dan disusuli dengan sembahyang Sunat Hajat berserta doa yang telah dipimpin oleh Sahibul Fadhilah Datu Haji Mustapha Kamal bin Ahmad Fauzi, Imam Besar Negeri Sarawak.

Dianggarkan serama lebih dari 2,000 orang jemaah telah menghadiri majlis tersebut termasuklah pelajar-pelajar Ma'had Tahfiz Tun Abdul-Rahman Ya'kub (MATTARY), Pusat Kecemerlangan MASJA-SA, sekolah rendah serta menengah dan orang awam di sekitar Kuching.



MAJLIS SEMBAHYANG SUNAT HAJAT DAN BACAAN SURAH YAASIN MURID TAHUN 6 MATTARY

Ma'had Tahfiz Tun Abdul-Rahman Ya'kub (MATTARY) telah mengadakan Majlis Sembahyang Sunat Hajat dan Bacaan Surah Yaasin murid Tahun 6 MATTARY pada 14 September 2018 bertempat di Surau Sementara MATTARY.

Majlis tersebut telah dihadiri oleh Puan Dayang Siti Aisyah binti Haji Mohamad Atei, Wakil Ketua Bahagian Pelajaran, LAKMNS, Encik Abdullah bin Othman, Guru Besar MATTARY serta semua ibu bapa dan penjaga murid Tahun 6.

Majlis bermula pada pukul 6.30 petang dengan bacaan Surah Yaasin. Laungan azan Maghrib telah di alunkan oleh adik Muhd. Aliff Izzuddin, dan diikuti dengan iqamah yang disampaikan oleh Thaqueef Ridhauddin, masing-masing murid Tahun 6 al-Biruni. Selepas itu, sembahyang Maghrib berjemaah telah diimamkan oleh Ustaz Fitri bin Mat Desa. Selesai sembahyang Maghrib berjemaah, tazkirah yang bertajuk "Peranan Ibu bapa Ketika Anak Menghadapi Ujian" telah disampaikan oleh Ustaz Hanif bin Esa.

Selepas itu, azan sembahyang Isyak telah dialunkan oleh adik Muhammad Ammar Zaki, manakala iqamah pula disampaikan oleh adik Farhan Danial bin Nurazaman, masing-masing murid Tahun 6 al-Farabi. Sembahyang Isyak berjemaah telah diimamkan oleh Ustaz Muhd. Fadzilul. Majlis diteruskan dengan Sembahyang Sunat Hajat yang diimamkan oleh Ustaz Ahmad Farhan. Selesai Sembahyang Sunat Hajat, semua guru bersalaman dengan murid-murid sebagai tanda memberikan restu untuk menghadapi peperiksaan kelak.

Semoga majlis ini berjaya mencapai objektif dan segala usaha para guru, ibu bapa serta semua yang terlibat diberkati oleh Allah S.W.T. Besarlah harapan agar semua murid-murid Tahun 6 MATTARY dipermudahkan dalam menjawab soalan ujian kelak lalu beroleh kejayaan yang cemerlang dalam peperiksaan. In Sha Allah.



ENHANCING INTEGRITY AT A WORKPLACE (PART 1)

What is your level of integrity? Can we measure the level of integrity at a workplace? Integrity can be defined as honesty and good moral values in accordance to belief or religion.

In Malaysia's perspective, The National Integrity Plan (NIP) was launched on 23rd April 2004 with a detailed plan to achieve the 4th challenge outlined in Vision 2020 as cited in The Malaysian Institute of Integrity which are: -

"The challenge of establishing a fully moral and ethical society, whose citizens are strong in religious and spiritual values and imbued with the highest of ethical standards".

The main objectives of NIP are mentioned as below: -

- To reduce corruption
- To increase competency
- To reduce bureaucracy level
- To enhance family institution
- To increase quality of life

Islam also encourages the act of consistency and ethical behaviour among the believers. It is vital for Muslims to constantly accomplish their daily tasks with strong self-integrity as commanded in al-Quran in surah at-Tin (verse 6), which Allah S.W.T. says:

"Save those who believe and do righteous deeds. Then they shall have a reward without end."

We can say that, an organization's success is relies on the integrity of its employees. Meaning to say, when an organization's credibility is damaged, there ensues a loss of customers, investors and good employees.

Therefore, each organization should take a proactive approach to prevent problems by offering trainings or courses about ethics and integrity.



I	INITIATIVE TO DEMONSTRATE THE GOOD VALUE
N	NATIONALISM, FOR THE SAKE AND LOVE TO OUR COUNTRY
T	TIME PUNCTUALITY AND MANAGEMENT
E	ETHICAL
G	GRATITUDE
R	RESPONSIBLE
I	INTENSITY
T	TRUTHFUL
Y	YOUNG GENERATION

KEPENTINGAN MEMILIKI KAD PERUBATAN TAKAFUL

"Buying insurance cannot change your life but it prevents your lifestyle being changed. An illness can wipe up an entire family's saving that they have saved for decades by the medical bills. You will not turn bankrupt of buying insurance but you will cause your loved ones to turn bankrupt if you don't" - Jack Ma, Pengasas Alibaba Group Holding Limited.

Di negara barat pembelian insurans perubatan merupakan satu keperluan di mana mereka sedar akan kepentingan memiliki perlindungan ini sebagai salah satu jaminan serta kemudahan kepada ahli-ahli keluarga sekiranya terjadi perkara yang tidak diingini ke atas mereka.

Manakala, di Malaysia, kita sering mendengar keluhan masyarakat terutamanya masyarakat melayu mengenai beban kos perubatan yang amat tinggi dan di luar kemampuan mereka. Tetapi apakah ada jalan penyelesaian bagi permasalahan ini?

Salah satu cara bagi membantu menampung kos perubatan yang tinggi adalah melalui permohonan perlindungan takaful perubatan. Kesedaran tentang pentingnya memiliki kad takaful perubatan perlu ada pada masyarakat kita di mana pada dasarnya polisi ini dapat membantu pemilik atau pemegang polisi untuk membiayai kos perkhidmatan penjagaan kesihatan terutamanya yang melibatkan rawatan penyakit kronik yang memerlukan perbelanjaan yang besar.

Takaful adalah kata terbitan bahasa Arab "kafala" yang bermaksud "jamin" dan perkataan takaful bermaksud saling menjamin. Takaful adalah bebas dari unsur judi dan riba dan ia merupakan satu alternatif kepada insurans yang bersifat konvensional.

Atas faktor ini, Bahagian penyelidikan dan Pembangunan, Lembaga Amanah Kebajikan Masjid Negeri Sarawak (LAKMNS) telah mengadakan taklimat berkenaan Kad Perubatan Takaful Ikhlas pada 7 Ogos 2018 (Selasa) bertempat di Bilik Seminar, Pusat Pengajian Al-Quran Tun Abdul-Rahman Ya'kub (PATARY) yang telah dihadiri seramai 33 orang kakitangan LAKMNS.

Tujuan taklimat ini diadakan adalah sebagai salah satu platform kepada kakitangan LAKMNS yang juga merupakan pemegang polisi untuk mendapat penerangan terus daripada pihak Takaful berkenaan cara penggunaan kad perubatan Takaful yang sedia ada.



Selain itu para peserta turut didedahkan berkenaan syarat-syarat serta situasi di mana penggunaan kad perubatan boleh digunakan serta had penggunaannya di hospital kerajaan dan swasta.

Taklimat ini turut menerangkan berkenaan maklumat-maklumat penggunaan aplikasi MediExpress menerusi laman sesawang www.mediexpress.com.my di mana laman ini membolehkan ahli atau pemegang polisi mengetahui nilai perlindungan dan maklumat-maklumat berkaitan serta kaedah untuk membuat tuntutan.

Aplikasi ini boleh dimuat turun menerusi "AppStore" serta "Google Play" dengan menap "MediExpress" dan ahli perlu mendaftar terlebih dahulu ke dalam aplikasi ini sebelum ia dapat digunakan.

Adalah diharapkan taklimat seperti ini diteruskan pada masa akan datang sebagai perkongsian serta manfaat bersama dan diharapkan agar warga LAKMNS khususnya serta masyarakat kita amnya turut mempunyai kesedaran yang sama demi kesejahteraan serta jaminan pengurusan kewangan yang lebih efisien pada masa hadapan mereka.

SESI TEMUDUGA POLIS BANTUAN WANITA

Sesi Temuduga Terbuka Polis Bantuan Wanita, Lembaga Amanah Kebajikan Masjid Negeri Sarawak (LAKMNS) telah diadakan pada 4 Ogos 2018 bertempat di Masjid Jamek Negeri Sarawak.

Tujuan utama sesi temuduga terbuka ini diadakan adalah untuk pengambilan baharu anggota Polis Bantuan, LAKMNS sebagai memenuhi kuota perjawatan yang telah diluluskan oleh pihak Polis Diraja Malaysia (PDRM) iaitu seramai 124 orang dan setakat ini jumlah kakitangan anggota Polis Bantuan, LAKMNS adalah seramai 78 orang.

Proses pengambilan yang dikendalikan oleh PDRM ini juga telah mengikut kriteria yang telah ditetapkan seperti ketinggian, berat badan, *Body Mass Index* (BMI), ujian kecerdasan dan pemeriksaan fizikal.

Seramai 360 orang calon telah hadir untuk sesi temuduga terbuka Polis Bantuan Wanita, LAKMNS pada kali ini.



Pengisian MASA yang bermanfaat

Semua murid Tahun 6 Ma'had Tahfiz Tun Abdul-Rahman Ya'kub (MATTARY) telah terlibat dengan beberapa pengisian aktiviti sebaik sahaja selesai minggu UPSR yang telah berlangsung pada 1 Oktober hingga 5 Oktober 2018.

Perancangan aktiviti ini telah disusun oleh Cikgu Haiyazi bin Roslan dengan kerjasama Unit Bimbingan dan kaunseling MATTARY.

Antara objektif aktiviti yang diadakan adalah untuk memberikan pendedahan awal kepada semua murid Tahun 6 tentang gambaran alam sekolah menengah dan membiasakan diri mereka dengan aktiviti yang bersifat praktikal agar dapat memahami sesuatu perkara dengan lebih mudah.

Antara aktiviti yang dilaksanakan ialah Pengurusan Jenazah yang dibimbing oleh Ustaz Abdul Rahman Iqbal dan Ustaz Wan Hasyeri. Intipati pengurusan jenazah termasuklah memandikan jenazah, mengkafankan dan solat jenazah. Semua kelengkapan pengurusan jenazah disediakan oleh Unit Penyelaras Kegiatan, Bahagian Masjid-masjid, LAKMNS.

Aktiviti pada hari kedua pula ialah Pengurusan Kendiri, iaitu penerangan dan praktikal pengurusan diri. Guru-guru yang terlibat dalam aktiviti ini ialah Cikgu Misiah binti Wajhi, Cikgu Haiyazi bin Roslan, Cikgu Dayang Nur Zahidah dan Cikgu Siti Zahrah.

Pada hari ketiga pula, semua murid Tahun 6 terlibat dengan aktiviti sukan seperti bola jaring untuk murid perempuan dan petanque untuk murid lelaki. Guru-guru yang terlibat ialah Cikgu 'Izzah, Cikgu Dayang Ann Amalina, Cikgu Rahimah, Ustaz Kamal, Cikgu Fariz dan Cikgu Dzulkiffie.

Pada hari keempat, semua murid terlibat dengan aktiviti gotong royong iaitu membersihkan surau, stor dan kawasan kantin. Semua pelajar memberikan kerjasama dan menunjukkan sikap positif terhadap aktiviti yang telah dijalankan. Manakala, pada hari terakhir untuk aktiviti murid Tahun 6 ialah aktiviti barbecue dan sukaneka.

Diharap aktiviti seperti ini dapat dilaksanakan lagi pada tahun hadapan dan memberi manfaat kepada semua murid.



Pengurusan Fardhu Kifayah



Aktiviti Sukan



Aktiviti Gotong-Royong



Pengurusan Kendiri



KURSUS GURU-GURU

MA'HAD TAHFIZ TUN ABDUL-RAHMAN YA'KUB (MATTARY) dan Tadika Tahfiz Tun Abdul-Rahman Ya'kub (TATTARY)

Kursus Pendedahan Awal Pendidikan Khas (Masalah Pembelajaran atau *Learning Disabilities*) telah diadakan pada 8 September 2018 bertempat di Bilik Kuliah, Pusat Pengajian Al-Quran Tun Abdul-Rahman Ya'kub (PATARY) yang melibatkan guru-guru Tadika Tahfiz Tun Abdul-Rahman Ya'kub (TATTARY) dan Ma'had Tahfiz Tun Abdul-Rahman Ya'kub (MATTARY).

Objektif utama kursus ini diadakan adalah untuk memberi pendedahan dan pengetahuan yang jelas berkenaan dengan perkembangan pendidikan khas di Malaysia dan Sarawak khususnya kepada guru-guru TATTARY dan MATTARY. Antara perkara yang diberi penekanan dalam Kursus Pendedahan Awal Pendidikan Khas (Masalah Pembelajaran) adalah seperti berikut:

- Mengenalpasti ciri-ciri dan jenis berkeperluan khas yang tertentu.
- Menggunakan kaedah tertentu untuk mengenalpasti pelajar-pelajar yang menunjukkan ciri-ciri berkeperluan khas.

- Cara-cara pendekatan kepada pelajar-pelajar yang berkeperluan khas secara umum.

Kursus tersebut telah disampaikan oleh dua orang penceramah yang dipertanggungjawabkan oleh pihak Jabatan Pendidikan Negeri Sarawak iaitu Puan Dayangku Noreza binti Awang Ahmad selaku Penyelia Unit Pendidikan Khas, Sektor Pendidikan Swasta dan Pendidikan Khas, Jabatan Pendidikan Negeri Sarawak dan Puan Gustina binti Yusuf yang merupakan Jurulatih Utama Kebangsaan dan juga seorang Guru Pendidikan Khas di Sekolah Kebangsaan Rampangi.

Kesimpulannya, kursus seperti ini merupakan satu keperluan kepada guru-guru di TATTARY dan MATTARY berkenaan dengan pendedahan awal pendidikan khas dan semoga ilmu yang diperolehi akan dapat diaplakasikan terhadap anak-anak di TATTARY dan MATTARY.



*Lawatan Tapak oleh Yang Berbahagia Tan Sri Datuk Amar Haji Bujang bin Mohd Nor
 Yang Berbahagia Datuk Haji Abang Abdul Wahap bin Haji Abang Julai
 Yang Berbahagia Datu Haji Misnu bin Haji Taha
 Encik Drahman bin Jaladin dan Tuan Haji Mohamad Sabry bin Haji Othman
 Ke Bangunan Baitul Makmur II*



*Lawatan Tapak oleh Yang Berhormat Datuk Haji Abdul Karim Rahman Hamzah,
 Menteri Pelancongan, Kesenian, Kebudayaan, Belia Dan Sukan Sarawak
 ke Bangunan Baitul Makmur II*



SERUAN MIMBAR

(7 September 2018M bersamaan dengan
26 Zulhijjah 1439H)
Sumber: <http://www.mis.sarawak.gov.my/>

Kaum muslimin yang dirahmati Allah S.W.T.,

Marilah sama-sama kita meningkatkan ketakwaan kepada Allah S.W.T. dengan bersungguh-sungguh melaksanakan segala perintah-Nya dan meninggalkan segala larangan-Nya. Mudah-mudahan kita memperolehi kebahagiaan dan perlindungan Allah S.W.T. di dunia dan di akhirat. Mimbar pada hari ini akan menyampaikan khutbah bertajuk: "HIJRAH PERJUANGAN MENYATUKAN UMMAH"

Kaum muslimin yang dirahmati Allah S.W.T.,

Alhamdulillah, tidak lama lagi kita akan berada di tahun baru 1440 hijrah. Pelbagai usaha dan cara dilakukan oleh umat Islam dalam menyambut kedatangan tahun baru hijrah ini. Hijrah ialah manifestasi kejayaan dan kemajuan umat Islam yang diasaskan atas dasar keimanan dan ketakwaan, semangat pengorbanan dan perpaduan sebagaimana terkandung dalam peristiwa hijrah Nabawiyyah. Firman Allah S.W.T. dalam Surah an-Nisa' ayat 100 yang bermaksud: -

(Dan sesiapa yang berhijrah di jalan Allah, nescaya ia akan dapati di bumi ini tempat berhijrah yang banyak dan rezeki yang makmur: dan sesiapa yang keluar dari rumahnya untuk berhijrah kepada Allah dan Rasul-Nya, kemudian ia mati sesungguhnya telah tetap pahala hijrahnya di sisi Allah dan Allah Maha Pengampun lagi Maha Mengasihani).

Kaum muslimin yang dirahmati Allah S.W.T.,

Ingatlah, semangat hijrah membawa pengertian yang luas, keluar daripada kancang perjuangan dan gelanggang yang sempit ke gelanggang lebih luas dan ia adalah pemisah di antara hak dan batil. Dengan sifat-sifat ini kejayaan dan kemajuan ummah akan berhasil daripada pertolongan Allah S.W.T.

Justeru, apabila umat Islam ada inisiatif untuk mengubah nasib diri, maka pertolongan Allah S.W.T. pasti akan tiba. Percayalah bahawa untuk mengubah diri manusia perlu pembangunan jiwa, mental dan fizikal. Pembangunan jiwa adalah suatu proses untuk melahirkan jiwa yang bertakwa, padu dan mantap. Ketiadaan jiwa yang takwa akan mengakibatkan fungsi akal dan fizikal menjadi lumpuh dan cacat.

HIJRAH PERJUANGAN MENYATUKAN UMMAH

Waspadalah kerana pemikiran dan akal jika tidak dijaga dengan sebaiknya akan memberi ruang kepada pihak musuh untuk mempengaruhi emosi kita dan seterusnya mampu mengarahkan setiap tindakan kita. Akhirnya, seseorang manusia yang dimanipulasi emosinya akan gagal menggunakan fungsi akalnya dan ini sangatlah berbahaya kepada masa depan umat Islam.

Oleh itu, kesedaran terhadap tanggungjawab perlulah lahir dari jiwa seorang mukmin sejati, yang pastinya dapat membawa perubahan kepada pembangunan ummah, seterusnya mengembalikan kegemilangan Islam sesuai dengan semangat hijrah yang diasaskan oleh Rasulullah S.A.W. sejak dahulu lagi. Firman Allah S.W.T. dalam Surah ar-Rad ayat 11 yang bermaksud: -

(Sesungguhnya Allah tidak mengubah apa yang ada pada sesuatu kaum sehingga mereka mengubah apa yang ada pada diri mereka sendiri).

Kaum muslimin yang dirahmati Allah S.W.T.,

Dalam merealisasikan hijrah sebagai perjuangan menyatukan ummah, mimbar ingin menyatakan bahawa perkara pertama yang mesti dilakukan adalah menyediakan asas yang betul dan kukuh bagi membina perpaduan. Dalam hal ini, harus diingat ia bukanlah bersifat dari luar ke dalam (Outside-in) tetapi ia bersifat (Inside-Out) dari dalam ke luar. Ia melibatkan soal hati manusia, bukan sekadar fizikal dan material semata-mata, kerana perpaduan yang dimulai dari hati akan menerbitkan perasaan sayang dan kasih antara ummah itu sendiri.

Inilah langkah pertama yang dilakukan oleh Rasulullah S.A.W. ketika mula menyatukan umat jahiliah di Makkah, bangsawan disatukan dengan hamba, yang kaya disatukan dengan yang miskin dan terpelajar disatukan dengan yang tidak berpelajaran. Hati bangsa Arab yang liar dipautkan antara satu sama lain.

Satu perkara lagi yang mesti dilakukan oleh umat Islam dalam semangat hijrah ini ialah penghijrahan minda.

Penghijrahan minda yang mesti dilakukan oleh seluruh umat Islam adalah untuk menyedari dan menginsafi bahawa kewajipan menjaga agama (hifz ad deen) ialah kewajipan bersama-sama ada dari sudut agama dan kenegaraan. Justeru, minda umat Islam perlulah diberi kefahaman yang mendalam dalam isu-isu semasa agar ia tidak dipesongkan oleh mereka yang berkepentingan.

Sesungguhnya, pendekatan wasatiyyah yang bersifat komprehensif dan bersepadan merupakan asas kepada perjuangan bagi membina perpaduan ummah. Wasatiyyah adalah merujuk kepada pelaksanaan sesuatu secara berhikmah, berimbang bagi menentukan tidak berlaku kekerasan, kezaliman ke atas ummah dengan meletakkan Islam di tempat yang dihargai atau dimartabatkan. Firman Allah S.W.T. dalam Surah al-Baqarah ayat 143: -

(Dan demikianlah Kami jadikan kamu satu umat yang pilihan lagi adil, supaya kamu layak menjadi orang yang memberi keterangan kepada umat manusia dan Rasulullah pula akan menjadi saksi kebenaran perbuatan kamu).

Sebagai umat Islam kita dituntut untuk menyeimbangkan antara tuntutan rohani dan jasmani dan antara tuntutan dunia dan akhirat. Sifat kesederhanaan dan keseimbangan ini sangat penting bagi orang yang beriman kerana perbuatan yang lebih daripada yang sepatutnya dilakukan adalah dianggap melampau, begitu juga perbuatan yang kurang dari yang sepatutnya dilakukan adalah dianggap suatu kecuaian. Maka umat Islam tidak boleh *rigid* dan *extreme*, begitu juga tidak boleh terlalu bebas lepas tanpa sempadan.

Mimbar ingin menjelaskan sememangnya ajaran Islam mengajar umatnya bersederhana dalam semua perkara, berimbang dan syumul dalam segenap bidang kehidupan individu dan masyarakat dengan memfokuskan kepada mempertingkatkan kualiti kehidupan ummah sama adadari segi ilmu pengetahuan, pembangunan insan, sistem ekonomi dan kewangan, pertahanan, perpaduan dan sebagainya.

Kaum muslimin yang dirahmati Allah S.W.T.,

Bersempena dengan ketibaan tahun baru hijrah beberapa hari lagi, marilah sama-sama kita mengambil semangat perjuangan hijrah dengan menaut hati-hati kita melalui semangat perpaduan dan bertoleransi dalam semua perkara serta janganlah kita melampaui batas dalam perkara yang telah dipersetujui. Sikap melampaui sebenarnya akan menjadi pemangkin terhadap ketidaksepadan masyarakat dan seterusnya akan melemahkan kestabilan sosiopolitik negara.

Usahlah kerana kepentingan diri yang sempit, kita sanggup meleraikan perpaduan yang telah lama terbina seterusnya menggadaikan kuasa dan maruah yang ada. Ingatlah bahawa umat Islam yang menjawai makna perpaduan ialah mereka yang sentiasa bersikap terbuka dan saling menghormati antara satu sama lain. Sedarlah, inilah tanah air dan tanah tumpah darah kita yang menjadi tempat tinggal, punca rezeki, dan nadi kehidupan kita. Janganlah ada dalam kalangan rakyat bersikap mementingkan diri sendiri sehingga keharmonian di negeri kita terancam, retak dan hancur. Percayalah kebahagiaan, keceriaan dan ketenangan kita sangat berkait dengan orang lain. Kita tidak mampu berpisah dan berpecah kerana itu fitrah kejadian kita, untuk itu ikatan kita hendaklah dikukuhkan melalui perpaduan ummah.

Sekali lagi mimbar mengingatkan bahawa hijrah merupakan perjuangan menyatukan ummah dan ia merupakan sebahagian daripada tuntutan Islam. Pendekatan ini wajar diteruskan kerana kita menyakini gesaan Allah S.W.T. yang meletakkan perpaduan sebagai syarat utama kejayaan umat Islam di dunia ini dan di akhirat kelak. Semoga negeri dan negara kita ini terus maju, aman dan damai, dan menjadi payung serta pelindung kepada Islam dan umatnya. Marilah sama-sama kita merenung firman Allah S.W.T. dalam Surah al-A'raf, ayat 96 yang bermaksud:

(Dan Sekiranya penduduk negeri itu, beriman serta bertakwa, tentulah Kami bukakan kepada mereka keberkatan dari langit dan bumi tetapi mereka mendustakan (Rasul Kami) lalu Kami timpakan mereka dengan azab seksa disebabkan apa yang mereka telah usahakan).



SAMBUTAN HARI MERDEKA

TADIKA TAHFIZ TUN ABDUL-RAHMAN YA'KUB

Sudah menjadi tradisi di setiap sekolah di mana apabila bermulanya bulan Ogos, pastinya program berkaitan sambutan kemerdekaan akan diadakan bagi memupuk semangat patriotik dan sifat cintakan negara dalam kalangan diri murid-murid.

Begitu juga dengan Tadika Tahfiz Tun Abdul-Rahman Ya'kub (TATTARY), Sambutan Hari Kemerdekaan yang ke-61 yang bertemakan 'Sayangi Malaysiaku' telah diadakan pada 13 September 2018 bertempat di anjung Masjid Jamek Negeri Sarawak.

Objektif utama diadakan sambutan ini secara amnya adalah untuk memupuk dan menyemarakkan semangat patriotisme di dalam jiwa anak-anak tadika supaya terus kekal sehingga remaja dan dewasa.

Selain itu, diharap juga agar program sebegini dapat mewujudkan rasa kekitaan dan kerja berpasukan seterusnya mengeratkan perpaduan di semua peringkat. Program ini juga memberi ruang dan peluang kepada murid-murid untuk mencungkil bakat dan kreativiti mereka semasa menjalankan program ini.



Pelbagai aktiviti dan pertandingan telah diadakan yang melibatkan penyertaan murid-murid secara menyeluruh seperti berikut:-

- Pertandingan Hiasan 'Pintu Gerbang Tercantik'
- Pertandingan Mewarna
- Pertandingan 'Baju Kreatif' yang bertemakan Hari Merdeka
- Persembahan Lagu Patriotik dari murid 4 Tahun
- Persembahan Senaman Patriotik dari murid 5 Tahun
- Persembahan Medley Puisi Kemerdekaan dari murid 6 Tahun
- Rekaan Sepanduk Kreatif dari Guru-Guru TATTARY
- Perarakan murid-murid dan guru-guru

Penganjuran aktiviti bersempena sambutan kemerdekaan adalah sesuai dan menepati saranan Kementerian Pendidikan Malaysia supaya murid-murid mengetahui sejarah negara seterusnya memupuk semangat patriotisme dan cintakan negara dalam kalangan diri mereka.





Kursus PEMERKASAAN TULISAN *Khat*

Murid Tahun 5 Ma'had Tahfiz Tun Abdul-Rahman Ya'kub (MATTARY) telah menyertai Kursus Pemerksaan Tulisan Khat anjuran Bahagian Pengukuhan Pendidikan Islam, Jabatan Agama Islam Sarawak pada 1 September 2018 bertempat di Bilik Kuliah, Pusat Pengajian Al-Quran Tun Abdul-Rahman Ya'kub (PATARY).

Penceramah yang menyampaikan kursus ialah Puan Intan Nurhafeezah binti Sahit, manakala, Pegawai JAIS yang hadir pada hari tersebut ialah Ustazah Siti Hajar binti Ramli dan Ustazah Halimatussaudiah binti Haji Deris.

Tujuan kursus ini diadakan adalah bagi menarik minat murid terhadap tulisan khat serta dapat meningkatkan kemahiran dalam menulis seni khat.

Sepanjang tempoh kursus berlangsung, semua peralatan dan bahan disediakan oleh pihak JAIS.

Diharapkan semoga aktiviti seperti ini dapat memberi manfaat serta dapat dijadikan sebagai salah satu aktiviti pendekatan strategik dalam usaha meningkatkan minat murid-murid terhadap tulisan khat.



Sesi penyampaian cenderamata kepada penceramah



EDISI 142 (JUL-SEP 2018) 19

PROGRAM MOTIVASI TAHUN 6

Ma'had Tahfiz Tun Abdul-Rahman Ya'kub (MATTARY) dengan kerjasama Bahagian Pelajaran, Lembaga Amanah Kebajikan Masjid Negeri Sarawak (LAKMNS) telah menganjurkan Program Motivasi Murid Tahun 6 pada 21 Julai 2018 bertempat di Bilik Kuliah, Pusat Pengajian Al-Quran Tun Abdul-Rahman Ya'kub (PATARY).

Tujuan program ini diadakan adalah untuk menyediakan satu titik permulaan bagi meningkatkan motivasi dan kesedaran murid-murid agar terus bersemangat menghadapi Ujian Penilaian Sekolah Rendah (UPSR) dan Pelaporan Pentaksiran Sekolah Rendah (PPSR).

Selain itu, program ini juga dapat mewujudkan kesedaran dalam diri mereka untuk menjadi insan yang berjaya dan mengenal potensi diri masing-masing untuk meningkatkan tahap keyakinan serta menetapkan matlamat berdasarkan potensi yang dikenal pasti.

Penceramah program motivasi ini ialah Ustaz Muhammad Azri Izzat bin Rasidi dari SMK Hajah Laila Taib.



Terdapat tiga sesi slot program motivasi tersebut iaitu: -

- i- Aku dan Diriku (Self Control)
- ii- Penetapan Matlamat (Goal Setting)
- iii- Pengurusan Masa (Time Management) dan Aktiviti Berkumpulan (LDK).

Harapan LAKMNS serta guru-guru MATTARY semoga program motivasi ini dapat meningkatkan motivasi dan kesedaran murid-murid untuk terus bersemangat menghadapi Ujian Penilaian Sekolah Rendah (UPSR) dan seterusnya memperoleh keputusan yang cemerlang dalam ujian tersebut. In Sha Allah.



MINGGU TEKNOLOGI DAN BAHASA MATTARY 2018

Ma'had Tahfiz Tun Abdul-Rahman Ya'kub (MATTARY) telah menganjurkan Minggu Teknologi dan Bahasa Tahun 2018 yang berlangsung pada 3 hingga 5 Julai 2018 yang merangkumi tiga bahasa iaitu Bahasa Arab, Bahasa Inggeris dan Bahasa Melayu bertemakan "MATTARY Berinovatif Warga Cakna Bahasa".

Antara objektif program tersebut adalah untuk membimbing murid-murid supaya dapat menggunakan tiga bahasa dalam pertuturan dan penulisan dengan cara yang kreatif dan melahirkan generasi yang dapat menguasai tiga bahasa sekaligus dengan baik.

Selain itu, program seperti ini juga dapat melahirkan sifat bersatu padu dalam kalangan murid-murid melalui pertandingan atau permainan secara berkumpulan dan dapat mempertingkatkan pengetahuan tentang aspek budaya sesuatu bahasa terutama dari segi kesantunan berbahasa.



LAWATAN SAMBIL BELAJAR MURID TATTARY 4, 5 DAN 6 TAHUN

Murid Tadika Tahfiz Tun Abdul-Rahman Ya'kub (TATTARY) 4, 5 dan 6 Tahun telah menyertai aktiviti lawatan sambil belajar ke beberapa buah tempat di sekitar bandar raya Kuching pada 7, 8 dan 9 Ogos 2018.

Objektif utama lawatan ini diadakan adalah bagi memberi pendedahan kepada murid-murid untuk mengenali tempat-tempat yang menarik sekitar bandar raya Kuching dan dapat menambah ilmu pengetahuan dengan menerapkan konsep pembelajaran melalui pengalaman serta menanam rasa cinta terhadap tanah air.

Di samping itu juga, lawatan secara berkumpulan mengikut umur ini juga diharap dapat membentuk sikap tolong-menolong, bertolak-ansur dan berdikari dalam kalangan murid-murid TATTARY.

Antara tempat menarik yang dilawati ialah The Borneo House Museum (anak-anak 6 Tahun), manakala Planetarium dan Petrosains dilawat oleh anak-anak berumur 4 dan 5 Tahun.

Ketibaan para murid TATTARY disambut oleh urus setia tempat-tempat tersebut berkenaan dengan langkah-langkah keselamatan dan aktiviti yang dijalankan.

Secara kesimpulannya, anak-anak TATTARY kelihatan sangat teruja meneroka tempat yang dilawati dan berpeluang melihat, merasa serta mengalami pengalaman sepanjang lawatan bersama guru-guru dan rakan-rakan mereka.



Ucapan Khas

UPSR

BUAT MURID TAHUN 6 MATTARY
YANG MENDUDUKI PEPERIKSAAN
TAHUN 2018

"Sama2 kita doakan yang terbaik buat anak-anak Tahun 6 MATTARY yang akan menduduki UPSR pada tahun ini. Aamiin".
Puan Dayang Siti Aishah binti Haji Mohamad Atei
Wakil Ketua Bahagian Pelajaran, LAKMNS

"Selamat menduduki ujian dan selamat berjaya semua. Semoga usaha anda sentiasa mendapat rahmat dan pertolongan dari Allah S.W.T. Mudah-mudahan segalanya diberkati dan dipermudahkan."
Cikgu Abdullah bin Othman
Guru Besar MATTARY

"All the best semua!
Kami guru-guru menghalalkan ilmu yang diberi dan doa sentiasa mengiringi untuk semua anak-anak MATTARY.
Mudah-mudahan buat yang terbaik. Aamiin".
Cikgu Azlyn
Penolong Kanan Akademik, MATTARY

"Semoga diterangkan hati, dicelikkan minda, dikurniakan kesihatan baik yang berpanjangan serta dipermudahkan buat anak-anak MATTARY. Aamiin Ya Rabb. #mattarydihatiaku".
Cikgu Rahimah
Setiausaha Peperiksaan, MATTARY

"Semoga semua pelajar-pelajar dapat menjawab soalan dengan mudah, lancar dan tepat.... buat yang terbaik!"
Cikgu Misiah Wajhi
Penolong Kanan Hal Ehwal Murid, MATTARY

"Cikgu sayang awak semua dan doa cikgu sentiasa mengiringi awak dunia akhirat. Semoga terus berusaha untuk berjaya dan menjadi al-Tahfiz pencetus ummah".
Cikgu Dayang Ann Amalina
Guru Data, MATTARY

"Ustazah doakan semoga anak-anak MATTARY menjadi seorang al-Hafiz dan al-Hafizah yang cemerlang..Aamiin".
Ustazah Nor Farizah
Ketua Bidang Bahasa, MATTARY

"Selamat maju jaya kepada semua... Semoga tabah menghadapi cabaran mendatang dan menjadi anak yang soleh dan solehah... Aamiin".
Cikgu Khatijah binti Basri
Ketua Panitia Sains, MATTARY

"Semoga menjadi khalifah al-Hafiz dan Hafizah yang hebat, cemerlang dan berakhlaq tinggi yang sentiasa menjaga solat dan akan memanfaatkan agamanya untuk di dunia dan akhirat..Amin.. Cikgu sayang awak semua!"
Cikgu Dayang Nurzahidah binti Awang Jesemi
Ketua Panitia Matematik, MATTARY

"Semoga anak-anak ingat segala pesanan dan ajaran yang di sampaikan. Ingat, buat apa-apa sekali pun, berdepan dengan apa-apa sekali pun, hidup di dunia tok SEMENTARA ajak. Kita pun real result kelak nun lepas mati dan dihidupkan semula. Jadi, buatlah semua benda kerana Allah. Jangan give up, always believe in yourself and most importantly is to believe in Allah S.W.T. Sekda apa di dunia tok dipolah tanpa izinya. So, go catch a star!"
Cikgu Siti Zahrah binti Abdul Jalil
Penolong Kanan Kokurikulum, MATTARY

"Ingin hidup ada naik turun seperti roda..jangan mudah berputus asa dan doa pada Allah kunci untuk semua masalah..semua yg kita miliki adalah pinjaman.. Bersyukur pada sekecil-kecil nikmat iaitu nafas membolehkan kita hidup dan menghargai kehidupan dan syukur adalah kunci kebahagiaan..cinta yang sebenar dan kekal hanyalah Allah.. Cinta pada manusia dipegang hatinya oleh Allah.. Jadi, semua balik pada Allah..Semoga jadi anak yang boleh mengharungi kehidupan mencabar sebagai manusia berguna.. Aamiin.."
Cikgu Rafidah binti Salleh
Ketua Bidang Sains dan Matematik, MATTARY

Sudut HAFIZ CILIK

BAHAGIAN PELAJARAN

Assalamualaikum anak-anak sekalian...di sini sedikit perkongsian berkenaan apa perbezaan antara korban dan akikah.

Ibadah korban dan akikah adalah dua ibadah yang hampir sama dari segi hukum dan syarat-syaratnya. Kedua-dua ibadah ini amat digalakan oleh Islam kerana fadhilatnya cukup besar.

Korban ertinya sembelihan binatang ternakan pada Hari Raya Haji @ Hari Nahar dan Tasyriq untuk mendekatkan diri kepada Allah S.W.T. Manakala, akikah pula sembelihan binatang ternakan sempena kelahiran anak tanda bersyukur kita kepada Allah S.W.T.

Tujuan korban adalah menghampirkan diri kepada Allah S.W.T. dan mengenang kembali peristiwa pengorbanan Nabi Ibrahim A.S. Manakala tujuan akikah pula adalah tanda bersyukur kita kepada Allah S.W.T. sempena kelahiran bayi. Hukum korban dan akikah adalah sunat muakkad (yang sangat dituntut) bagi mereka yang mampu.

Ibadah korban hanya boleh dilaksanakan pada masa tertentu sahaja iaitu Hari Raya Haji (10 Zulhijjah) serta Hari Tasyriq (11, 12, 13 Zulhijjah) dan akikah pula boleh dilaksanakan pada bila-bila masa.

Jenis binatang ternakan untuk disembelih pada raya korban dan akikah ialah unta, lembu, kerbau, kambing dan biri-biri.

Daging korban adalah lebih baik diagiarkan dalam keadaan mentah dan segar, manakala, akikah pula, daging sembelihan dimasak terlebih dahulu untuk dihidang kepada orang ramai.

Untuk pengetahuan semua, daging korban dan akikah tidak boleh diagiarkan kepada orang bukan Islam. Jika ingin bersedekah kepada masyarakat bukan Islam hendaklah membeli daging lain untuk diberi kepada mereka.

Gambar Hiasan



Kurus Pra Perkahwinan

BAHAGIAN PENYELIDIKAN DAN PEMBANGUNAN

Kursus Pra-Perkahwinan Islam yang dilaksanakan oleh Bahagian Penyelidikan dan Pembangunan, Lembaga Amanah Kebajikan Masjid Negeri Sarawak (LAKMNS) adalah mengikut Modul Bersepadu Kursus Pra-Perkahwinan Islam (MBKPI) yang telah disediakan oleh Jabatan Kemajuan Islam Malaysia (JAKIM) dan diwajibkan kepada setiap individu yang belum pernah berkahwin.

Tujuan kursus ini dianjurkan adalah untuk memberi maklumat dan pendedahan awal kepada bakal-bakal suami isteri yang bakal mendirikan rumah tangga dan dapat dijadikan panduan dalam menghadapi kehidupan berkeluarga kelak.

Berikut merupakan jumlah penyertaan peserta yang mengikuti Kursus Pra-Perkahwinan pada pertengahan tahun 2018 bertempat di Bilik Seminar, Pusat Pengajian Al-Quran Tun Abdul-Rahman Ya'kub (PATARY) ini:-

BIL.	TARIKH KURSUS PRA-PERKAHWINAN ISLAM	JUMLAH PESERTA
1.	14 dan 15 Julai 2018	88
2.	11 dan 12 Ogos 2018	55
3.	22 dan 23 September 2018	61

Sejajar dengan perkembangan teknologi pada masa kini, bakal pasangan suami isteri boleh mendaftar perkahwinan secara atas talian melalui laman web Jabatan Agama Islam Sarawak di e-munakahat.sarawak.gov.my.

Bahagian Penyelidikan dan Pembangunan, LAKMNS berharap agar kursus ini akan dapat membantu dalam mengurangkan permasalahan rumah tangga dan perceraian yang dihadapi oleh umat Islam di Sarawak khususnya dan Malaysia amnya.



PROFIL KAKITANGAN

LEMBAGA AMANAH KEBAJIKAN MASJID NEGERI SARAWAK



Strength comes from struggle. When we learn to see our struggles as opportunities to become stronger and wiser, then we start thinking shifts from "I can't do this" to "I must do this".

Kata-kata di atas telah menjadi prinsip hidup kakitangan pilihan untuk edisi kali ini iaitu Encik Yakop bin Jalel. Ini telah diperjelaskan lagi di dalam al-Quran oleh Allah S.W.T. dengan berfirman: "Katakanlah: Wahai hamba-hambaKu yang melampaui batas terhadap diri mereka sendiri! Janganlah kamu berputus asa dari rahmat Allah. Sesungguhnya Allah mengampuni dosa-dosa semuanya. Sungguh, Dialah yang Maha Pengampun, Maha Penyayang" (Surah Az-Zumar ayat 53).

Encik Yakop berasal dari Kampung Tambirat, Asajaya telah dilahirkan pada 31 Disember 1951 dan merupakan anak bongsu daripada 10 orang adik-beradik.

Beliau telah mendirikan rumah tangga dengan pilihan hatinya, Puan Dayang Rani binti Awang Ramli dan telah dikurniakan enam (6) orang anak iaitu Adzreen, Bazilah, Chairil, Dalila, Faliq dan Zafirah.

Encik Yakop telah mendapat pendidikan di Universiti Curtin, Australia di peringkat Sarjana Sains Polisi pada tahun 1999 hingga 2000, Sarjana Muda Komunikasi dengan Kepujian di Universiti Sains Malaysia, Pulau Pinang (1989-1993) dan Diploma Lanjutan Profesional (Pengurusan) pada tahun 2003.

Sebelum memulakan kerjaya di Lembaga Amanah Kebajikan Masjid Negeri Sarawak (LAKMNS), Encik Yakop pernah bekerja sebagai Guru Ganti (1971-1972), Kerani Pejabat (1972-1973), Pembantu Penerangan (1974-1994), Pegawai Penerangan di Unit Perhubungan Awam, Jabatan Perhutanan, Kuching (1995-2004), Ketua Penolong Pengarah di Unit Perhubungan Awam dan Korporat, Jabatan Ketua Menteri (2005-2007) dan Pengurus Aktiviti di Kelab Golf Sarawak (2009-2014).

Menjadikan aktiviti golf dan beriadah bersama keluarga sebagai mengisi masa lapang, Encik Yakop telah menjadikan Allahyarham Tan Sri Pehin Sri (Dr) Haji Adenan bin Haji Satem, mantan Ketua Menteri Sarawak ke-5 sebagai tokoh yang paling dikagumi kerana sifat perjuangan dan kesungguhan Allahyarham yang tidak henti dalam menegakkan hak serta kepentingan rakyat di Negeri Sarawak.

Harapan Encik Yakop semoga LAKMNS akan menjadi sebuah organisasi Islam yang lebih unggul dan dicontohi oleh masyarakat dunia pada masa akan datang.



Encik Yakop bergambar bersama-sama sebahagian daripada ahli keluarga ketika Hari Raya Aidilfitri

PROFIL GURU MATTARY

LEMBAGA AMANAH KEBAJIKAN MASJID NEGERI SARAWAK



Cikgu Khatijah binti Basri atau lebih mesra dipanggil Cikgu Khatijah dalam kalangan anak-anak Ma'had Tahfiz Tun Abdul-Rahman Ya'kub (MATTARY) dilahirkan pada 14 Februari 1988 di Kuching, Sarawak.

Merupakan anak yang ke-5 daripada 6 orang adik-beradik, Cikgu Khatijah telah berkahwin dan dikurniakan seorang cahaya mata perempuan dan kini sedang menunggu untuk kelahiran anak yang kedua.

Beliau mula mendapat pendidikan awal di Sekolah Kebangsaan Encik Buyong (Tahun 1-5) dan di Sekolah Menengah Kebangsaan Tun Abang Haji Openg (Tingkatan 1-5). Selepas itu, Cikgu Khatijah menyambung pelajaran dalam Diploma Sains (Sains Gunaan) di Universiti Teknologi Mara (UiTM) Kampus Kota Samarahan dan Ijazah Sarjana Muda Sains dengan Kepujian (Bioteknologi Sumber) di Universiti Malaysia Sarawak (UNIMAS).

Antara pencapaian terbaik yang pernah diperoleh oleh Cikgu Khatijah ialah Anugerah Dekan (April 2009), Anugerah Pendidikan Shell (2004) dan penyertaan dalam Perbarisan Sempena Perayaan Minggu Belia Peringkat Negeri Sarawak (June 2002).

Sebelum memulakan kerjaya sebagai tenaga pengajar di MATTARY, Cikgu Khatijah pernah menjalani Latihan Industri di Natural Resources and Environmental Board (NREB) pada tahun 2012 dan menjadi Guru Ganti di Sekolah Menengah Kebangsaan Sri Matang pada tahun 2014 serta di Sekolah Menengah Kebangsaan Kolej Datu Patinggi Abang Haji Abdillah pada tahun 2015.

Memulakan perkhidmatan sebagai guru pelatih di MATTARY pada 17 Mac 2016 dan telah diserap ke penjawatan tetap pada 1 Januari 2017.

Cikgu Khatijah merupakan guru kelas Tahun 3 Al Biruni dan bertanggungjawab sebagai Ketua Panitia Sains serta Guru Penasihat Kelab Hotmaths. Manakala, matapelajaran yang diajar ialah Sains dan Matematik. Cikgu Khatijah juga merupakan seorang guru yang aktif dan bertanggungjawab.

Besarlah harapan beliau agar anak-anak MATTARY berjaya mencapai cita-cita mereka untuk menjadi al-Hafiz dan al-Hafizah yang cemerlang kelak. In Sha Allah.



PROFIL PELAJAR MATTARY

LEMBAGA AMANAH KEBAJIKAN MASJID NEGERI SARAWAK



Hanan Zabirah binti Zawardy

- Tarikh Lahir: 7 Mac 2006
- Umur: 12 tahun
- Asal: Kuching, Sarawak

• HOBI
Bermain permainan scrabble, mendengar muzik dan bermain pasir di tepi pantai

• MAKANAN DAN MINUMAN KEGEMARAN
Sambal goreng

• CITA-CITA
Menjadi seorang ahli Perniagaan yang berjaya di peringkat antarabangsa

Hanan Zabirah binti Zawardy dilahirkan pada 7 Mac 2006 di Hospital Pakar Perubatan Normah, Kuching dan merupakan anak perempuan sulung kepada pasangan Zawardy bin Fauzi dan Afnalizan binti Ali.

Hanan Zabirah atau lebih mesra dipanggil Hanan mempunyai dua orang adik lelaki iaitu Habib Muazzam berumur 10 tahun serta Haidar Mustaqim berumur 4 tahun dan kini merupakan pelajar Tahun 6 Al-Biruni, Ma'had Tahfiz Tun Abdul-Rahman Ya'kub (MATTARY) yang bakal menduduki Ujian Penilaian Sekolah Rendah (UPSR) pada September kelak.

Pada umur 5 hingga 6 tahun, adik Hanan bersekolah di Tadika Tahfiz Tun Abdul-Rahman Ya'kub (TATTARY) dan alhamdulillah adik Hanan telah dapat menghafal Juzuk 30 serta dapat membaca semasa tamat tadika 6 tahun dengan lancar.

Di MATTARY, adik Hanan seorang yang berperwatakan pendiam dan mempunyai kawan-kawan yang baik dan sentiasa membantu dalam pelajaran seperti Nurul Batrisya, Mia Adriana, Noor Zahia, Ziziliyana Aqilah, Halimahtussaadiah dan ramai lagi.

Seperti para pelajar MATTARY yang lain, adik Hanan gemar mengulang surah-surah di dalam al-Quran khasnya juzuk 30 serta surah-surah pilihan. Manakala, dalam bidang akademik, adik Hanan amat meminati Bahasa Inggeris, Matematik dan Sains.

Bagi mengisi masa terluang, adik Hanan gemar bermain scrabble, mendengar muzik dan bermain pasir di tepi pantai. Tambahan pula, adik Hanan amat menggemari masakan ibunya terutama sekali sambal goreng.

Harapan MATTARY semoga adik Hanan Zabirah menjadi contoh yang terbaik untuk adik-adiknya dan membesar menjadi muslimah berakhhlak yang berjaya pada masa akan datang.



Kenangan semasa semasa melancong ke Bukit Gambang Safari Park, Pahang bersama keluarga pada cuti sekolah akhir Tahun 2016



Kenangan bersama keluarga selepas solat Sunat Hari Raya Aidilfitri Tahun 2018



Adik Hanan bersama rakan-rakannya pada Majlis Solat Hajat Peperiksaan Awam di Masjid Jamek Negeri Sarawak pada 2018

PROFIL PELAJAR TATTARY

LEMBAGA AMANAH KEBAJIKAN MASJID NEGERI SARAWAK



Haidar Akbar bin Hasrul Nizam

- Tarikh Lahir: 23 November 2012
- Umur: 6 tahun
- Asal: Kuching, Sarawak

Haidar Akbar bin Hasrul Nizam merupakan pelajar kelas 6 Cerdik di Tadika Tahfiz Tun Abdul-Rahman Ya'kub (TATTARY).

Adik Haidar merupakan anak tunggal dan berperwatakan peramah, mesra, lemah lembut, toleransi, rajin membantu orang sekeliling, mudah bergaul dan disenangi oleh semua guru dan rakan-rakannya. Malahan, sejak berusia 3 tahun lagi, adik Haidar sudah petah bercakap dan menunjukkan sikap ingin tahu terhadap sesuatu perkara.

Tambahan lagi, adik Haidar seorang yang berani untuk mencuba sesuatu yang baharu untuk meningkatkan kefahaman dan kepuasan diri untuk menjadi seorang yang mempunyai keperibadian yang tinggi dan berakhhlak mulia.

Di TATTARY, adik Haidar amat meminati mata pelajaran matematik. Sikap rajin berusaha adik Haidar membolehkannya untuk berjaya dengan cemerlang dalam bidang akademik serta hafazan berdasarkan pada keputusan yang telah ditunjukkan selama adik Haidar bersekolah di TATTARY atas usaha dan bimbingan guru-gurunya.

Harapan guru-guru TATTARY serta doa seluruh keluarga agar adik Haidar dapat menjadi seorang al-Hafiz yang berjaya dan dapat meneruskan pengajian ke peringkat MATTARY.

Semoga adik Haidar akan dapat menampilkan dan meneruskan generasi al-Quran yang berilmu, mengamalkan Sunnah Rasulullah S.A.W. serta berjaya dalam bidang akademik dan mampu mengembangkan syiar Islam khususnya di Malaysia dan di dunia amnya.





BORANG PENYERTAAN KELAS AL-QURAN DEWASA
ANJURAN PUSAT PENGAJIAN AL-QURAN TUN ABDUL-RAHMAN YA'KUB (PATARY)

PERHATIAN:

- I. Silakan boleh dengan tulisan yang telak dan benar-benar
- II. Sila setujui 1 salinan kad pengenalan.
- III. Yuan Penyertaan diketahui RM 50.00 tetapi bukan
- IV. Bayaran yuan hendaklah dibuatkan pada sesaat awal bulan

UNTUK KEGUNAAN PEJABAT:	:
NO. REST:	:
TARIKH TERIMA:	:
TARIKH/COP TERIMA:	:

MAKLUMAT DIRI

NAMA:	:
JANTINA:	:
NO. KAD PENGENALAN:	:
TARIKH LAHIR:	: (PUAN DAYANG MIZAWATI BINTI ABG TAHA) —
UMUR:	:
ALAMAT:	:
NO. TELEFON:	:
TARAF PENDIDIKAN:	:
ALAMAT MAJIKAN:	:
PEKERJAAN:	:

KELAS YANG DIPOHON

SILA TANDA '✓' PADA YANG BERKENAAN

KELAS ASAS:	:
KELAS PERTENGAHAN (TA'AWUDI)	:
KELAS MAHIR (TARANNUMI)	:

PERAKUAN PEMOHON

Saya mengaku bahawa semua keterangan di atas adalah benar dan akan mematuhi syarat-syarat yang ditetapkan oleh pihak pengajur.

Tarikh : _____ Tandatangan : _____

UNTUK PERTANYAAN SILA HUBUNGKU :
 NO. TEL : 082-443232 / 082-449813 (PUAN HARYATI BINTI MOHAMAD) / PUAN DAYANG MIZAWATI BINTI ABG TAHA
 NO. FAX : 082-449815

RM100.00 SEORANG

BORANG PENYERTAAN

* Sila lengkapkan ruang kosong dibawah. Borang yang tidak lengkap akan dicadangkan.

NAMA:	:
NO. KAD PENGENALAN:	: (silakan tulis nombor kad pengenalan anda)
TARIKH LAHIR:	:
UMUR:	:
ALAMAT:	:
NO. TELEFON:	:
TARAF PENDIDIKAN:	:
PEKERJAAN:	:
ALAMAT MAJIKAN:	:



KURSUS
Dre Perkahwinan

ANJURAN: LEMBAGA AMANAH KEBAJIKAN MASJID NEGERI SARAWAK
 DIKIRAKOZ OLEH: JABATAN AGAMA ISLAM SARAWAK (JAYS)

UNTUK KEGUNAAN PEJABAT:
 NO. REST:
 TARIKH TERIMA:

UNTUK KETERANGAN LANJUT SILA HUBUNGKU:	:
Tandatangan:	:
Tarikh:	:

* Pindahari tarikh Kelas Al-Qur'an merupakan keperluan Tenaga Pengajar.

NO. TELEFON: 082-443 232, 082-449 813 (ENOK AHMAD RABBANI BIN HAJI MOHAMAD TAUFEEK / PUAN DAYANG MIZAWATI BINTI ABG TAHA)
 NO. FAX: 082-449 815 | E-MAIL: patary.lakmns@gmail.com